

معيار المضاربة الشرعي الصادر عن ايوفي الجزء(2) د. باسم عليوة

باسم عليوة

الحمد لله والصلوة والسلام على رسول الله صلى الله عليه وسلم. احنا المرة اللي فاتت كنا بدأنا في معيار آآ المضاربة وهو آآ معيار المضاربة الشرعي المعدل الصادر من هيئة المحاسبة والمراجعة للمؤسسات المالية الاسلامية - 00:00:03

النهاردة مع الموعد الثاني من اه معيار المضاربة الشرعية ان شاء الله النهاردة نخلص المعيار. ويبقى ده آآ يعني آآ كده انتهينا من المعيار الثاني احنا المرة اللي فاتت شرحنا اه معيار المراجحة في تلات محاضرات - 00:00:16

والنهاردة معيار المضاربة آآ بازن الله يخلص اليوم آآ نستكمل قراءة في المعيار كعادتنا احنا متعودين ان احنا بنقرأ من نص المعيار. وبعد كده بنبدأ نقول بعض الامثلة البسيطة آآ اللي الناس ممكن - 00:00:34

تكون بتقابلها في واقع العملي. بحيس انه يكون الامر آآ خاص بالتطبيق اه وصلنا مع بعض لغاية صلاحيات المضارب وتصرفاته اه صلاحيات المضارب احنا قلنا المرة اللي فاتت ان المضارب ان هو الراجل بيقوم باستثمار الاموال - 00:00:48

ورب المال اللي هو صاحب الفلوس طيب بيقول يجب على المضارب ان يجتهد في تحقيق اهداف المضاربة. وان يطمئن رب المال على ان امواله في يد امينة ساعية في البحث عما يتم به - 00:01:05

على الوجه المشروع وده طبعا عنوان عام في مسألة المضاربة. ولو تفتقروا المرة اللي فاتت احنا قلنا ان يد المضارب يد امانة. يعني هو راجل مستأمن على الاموال وبالتالي هو لازم كل شوية يطمئن آآ اللي هو رب المال او صاحب المال ان هو يقول له اموالك شغالة بشكل كويس آآ يدي له ممكن نقول مسلا - 00:01:20

اديله كل ربع سنة تقارير مالية على حسب ما يكونوا هم متفقين في مسألة الاستثمار او في التعاقد الابتدائي بتاع المباراة. بيقول اذا انعقدت المضاربة آآ مطلقة جاز للمضارب ان يقوم بكل ما يقوم به المستثمرون في مجال نشاطه ويشمل ذلك ما يأتي. لو تفتقروا المرة اللي فاتت ان احنا اتكلمنا - 00:01:40

على في حاجة اسمها مضاربة آآ مطلقة ومضاربة مقيدة. المضاربة مطلقة نقول له استمر في اي شيء انت انت عايزه. طالما ما بيخالفش طبعا المخالفات الشرعية اول اعراف بتاعة الاستثمار. او المضاربة المقيدة انه يقول له استمر في الحاجة الفلانية. او في النشاط الفلانى او في الوقت الفلانى. او - 00:02:02

الطريقة الفلانية يعني لازم يوصف له طريقة المضاربة بحيس ان هو بيقى كده قيده بالاستثمار. طبعا بدون ما يقيده عن الاستثمار في العموم. او ان هو يقول له حاجة منافية لطريقة العمل بتاعه - 00:02:22

في العرف مسلا في النشاط الفلانى طيب يعني مسلا ما يروحش يقول له في نشاط هم بيشتغلوا في في نظام التقسيط او النشاط ده مش قائم غير على فكرة التقسيط وبعدين يقول له ما ينفعش تشتغل تقسيط ما هو كده ادي له تقييد - 00:02:34

بيوقف طبيعة النشاط اللي هو داخل عليه بيقول ارتياح كل مجالات الاستثمار المشروع التي يسمح له او يسمح له حجم رأس المال بالدخول فيه بيقى هو كده معه مضاربة مطلقة - 00:02:46

وفي نفس الوقت بيقول له ايه المضاربة المطلقة ديت تشمل ايه؟ ان هو يشتغل في اي استثمار مشروع يعني جائز شرعا. طالما في حدود رأس المال اللي هو داخل - 00:03:03

والتي تمكنه خبرته وكفاية العملية والفنية من المنافسة فيها. يعني مسلا ما يبقاش هو مدي له الفلوس مسلا يستمرها في نشاط معين او مطلقة في نشاط معين هو ما بيفهمش حاجة في النشاط الثاني ده فيسيب النشاط ده ويروح للنشاط الثاني ويقول له انت

معي استسمار مؤقت فبالتالي يتسبب في ضرر آآ رب المال. ومبشرة - 00:03:13

العمل بنفسه او بتوكيل غيره. في ان يباشر له بعض الاعمال عند الحاجة كان يشتري بضاعة او يسوقها له. يعني ممكן يجيب حد يقول له مسلا راح اشتري لي البضاعة من المكان - 00:03:33

الفالاني كوكيل عنه في مسألة الشراء او في مسألة البيع بس طبعا بما لا يضر في آآ نزام المضاربة او آآ مصلحة رب المال كل دى هتلاقىها يعني خطوط عريضة لمسألة المضاربة مش هتبقى هتقابلنا فيها تفاصيل كبيرة - 00:03:43

آآ بعد كده بيقول اختيار الاوقات والاماكن والاسواق المناسبة للاستسمار والامنة من الاخطر قدر الامكان وده طبعا برضه من الضوابط الأساسية للمضاربة يعني ما ينفعش مسلا تروح اه تضارب في اسوق معروف ان هي فيها سرقة او فيها اه اه اكل اموال اصحاب التجار او غيره. اه اوقات معينة في السنة المفروض ان ده مش الموسم - 00:04:00

بتاع البيع فانت تروح مسلا تبيع في موسم غير موسم البيع آآ المكان اللي انت بتضارب فيه ده او بتشتغل به في المنتج بتاعك اصلا مش مطلوب. ودى بتبقى نتيجة حاجة اسمها السيرفي. انت بتعمل سيرفي للمكان الانسب. والوقت - 00:04:22

الااسب واسواق المنتج اللي انت بتشتغل فيه او حتى لبيئة المضاربة بعد كده بقول حفظ اموال المضاربة او ايداعها لدى امين متى اقتضت الحاجة لذلك. وطبعا لدى امين ده ممكן يكون بنك وممكן يكون شخص - 00:04:36

بعينه. تمام؟ لو ان هو يحتاج ان هو يحفظ اموال مضاربة لغاية اجل معين هيدا يستمر فيه البيع والشراء بالاجل ما فيش مشكلة فيه طالما احنا مش مقيدين بذلك يجوز للمضارب باذن او تفويض من رب المال ان يضم الى المضاربة شركة في الابتداء او في اثناء المضاربة سواء كانت الشركة من - 00:04:51

المضارب قام من طرف تالت. اه هنا بقى تعالوا نقف عند شوية تفاصيل. كل اللي فردي اللي فات ده قواعد عامة في مسألة المضاربة لا يختلف عليها احد. لانها من - 00:05:13

ال حاجات المتتوافقة مع العرف. ولكن تعالوا بقى للتفاصيل دي بتاعة مسألة المضاربة. انا راجل النهاردة مضارب يعني انا بستسمرا الاموال. ومعي واحد اسمه رب المال اللي هو صاحب الفلوس طيب انا داخل بالجهود كراجل مضارب ومعي اللي قدامي ده داخل بالفلوس. طيب هل ينفع انا بقى ادخل بفلوسي او ادخل فلوس واحد تاني او - 00:05:23

شركة معنا في مسألة المضاربة. دي النقطة اللي هو بيكلم عليها النهاردة المعيار. بيقول يجوز للمضارب باذن او تفويض من رب المال يعني هيستأذن رب المال او بتفويف منه ان يضم الى المضاربة شركة في الابتداء او في اثناء المضاربة سواء كانت الشركة من مال - 00:05:47

الطالب يعني ينفع يدخل فلوس يعني؟ سواء من مال المضارب او من طرف تالت. هو ده معنى كلمة شركة هنا. يعني ينفع ان انا ادخل فلوس من فلوسي؟ فكده اصبحت شركة. انا بقى شريك في رأس المال يعني. او انه يدخل طرف - 00:06:07

تالت في رأس المال اللي موجود طيب وان خلط ودائع وان خلط ودائع الاستثمار المطلقة باموال المؤسسات هو من هذا القبيل. يعني ايه يعني دلوقتي خلط الودائع الاستثمار المطلقة باموال المؤسسات هو من هذا القبيل. انا دلوقتي عندي طبعا المؤسسات اتفقنا قبل كده ان معناها ايه؟ معناها المؤسسات المالية. المؤسسات المالية دي زي البنوك مسلا - 00:06:21

ينفع ان واحد مدي للبنك مائة الف والثاني مدي له مائة الف والثالث مدي له مائة الف وده مدي له خمسين الف. ينفع يخلط الاموال دي كلها في وعاء واحد بيسمه عاء - 00:06:49

مسمار وبعد كده ياخذ الفلوس دي يستسمراها مع الغير ينفع. ده من النقطة اللي هو بيكلم عليها ان هو ينفع ان هو يضم الاموال بتاعة الغير الى الاموال بتاعة المستسمر الاولاني او رب المال الاولاني ينفع ولكن باذن او بتفويف من رب المال. طبعا اي حد بيتعامل مع البنوك هو عنده تفويض او هو بيضم على تفويض - 00:06:59

من غير ما يقرأ ان هو مفوض او دي حاجة اسمها وكالة بالاستسمار مع البنك انه يستسمر الاموال زي ما هو عايز. بما لا يخالف احكام الشريعة الاسلامية. وانه يجوز طبعا ضم الاموال الاخري - 00:07:19

والى هذا الماء آن النقطة اللي بعد كده ان ياخز مالا من طرف تالت بقصد المضاربة ما لم يشغله المال الجديد عن واجباته في استسمار المال الاول. يعني ايه يعني انا النهاردة راجل مضارب - 00:07:29

فعملت كيانين خدت من واحد اموال عشان استسمرها في الزراعة. وخدت من واحد تاني اموال عشان استسمرها في الصناعة طيب هنا شركتين منفصلين انا ما خلطتش المال زي ما حصل في النقطة رقم الف - 00:07:45

فينفع ان انا استسمر لصالح واحد رب مال الف وينفع استسمر لرب المال به في نشاطين مختلفين او حتى في آن نشاط آن واحد ولكن في وعائين منفصلين ينفع ما لم يضر انشغالي مع الطرف الف - 00:07:58

ان انا اضر بمال به او العكس. تمام؟ وبالتالي ده آن يسموه فصل فيه آن الزمم المالية وفصل في الادارات وفصل في عشان خاطر مصلحة كل واحد فيهم او انهم ممكن واحد فيهم ما يأذنن ان انا اخلط الاموال ببعضها - 00:08:17

طيب تعالوا للنقطة اللي بعدها. يجوز ان يقيد رب المال تصرفات المضارب. احنا قلنا في قبل كده عندنا حاجة اسمها مضاربة مقيدة.

فيبيقول لك يجوز ان يقيد اضراب بالمال اللي هو صاحب الفلوس. تصرفات المضارب لمصلحة يراها - 00:08:33

ينفع ان هو يقيد رب المال تصرفاته لمصلحة يراها؟ اه. ويجوز التقييد بالزمان. يعني قل له استسمر في الوقت الفلايني او استسمر للاجر الفلايني او يقيدو بالمكان فيقول له ما ينفعش تستسمر الاموال دي غير في مصر. ما ينفعش تستسمر الاموال دي غير في السعودية. تمام؟ فيشترط عليه الاستسمار في وقت معين - 00:08:49

او بلد بعينه او بسوق في بلد معين. يشترط عليه كل الاشتراطات دي. او بمجال الاستسمار يقول له اشتغل في النشاط الزراعي او يقيده بالنشاط الصناعي او يقيده بالنشاط التجاري. بل جوة النشاط الصناعي نفسه يقول له ما ينفعش تشتغل غير في الصناعة معينة - 00:09:11

كل ده لان هو اصلا في الاول اسمه رب المال يعني صاحب المال فهو الادري بمصلحته يشترط عليه الاستسمار في قطاع معين كالخدمات او التجارة. وفي سلعة او مجموعة سلع لا يتعداها بشرط ان تكون متوافرة بما يحقق مقصود - 00:09:30

وضربة وليس بالندرة او الموسمية والمحدودية التي تمنع المقصود. يعني ما ينفعش اقول له مسلا انت ياجي بتستسمر او وانا باقيك انت تستسمر في محصول مسلا شتوى واحنا في الصيف - 00:09:46

او العكس تمام؟ او يقول له انت لازم تشتغل في السلع المستوردة واحنا في البلد اللي احنا موجودين فيها مفهول عليها الاستيراد مسلا وهكذا لا يحق لرب المال اشتراط عمله مع المضارب حتى تكون يده آن معه في البيع والشراء والاثر - 00:09:57

والعطاء او ان يطلب منه ان يراجعه في كل شيء فلا يقضي في الامور بدون مشورته. او ان يملي عليه شروط تسلبه التصرف كأن يفرض عليه يشارك غيره او ان يخلط ما له بمال مضارع. تمام - 00:10:17

ليه؟ لان فكرة المضاربة هو عايز يقول لك ايه؟ هو ما ينفعش الرجال رب المال ده يبقى واقف فوق دماغ المضارب وعمال يقول له اعمل كذا وما تعملاش كذا. اشتغل في الحاجة الفلاينية ومشترك في الحاجة الفلاينية - 00:10:33

دخل فلان ما تدخلش فلان اخلط الاموال ما تخلطش الاموال. ما هو كده اصلا بقى الامر منافي لمقتضى العقد وكلمة مضاربة يعني ايه؟ يعني ان انا داخل معك بالمجهود انت داخل انا داخل معك كمضارب بالمجهود ورب المال داخل معي بالفلوس. وبالتالي طالما انت وسقت في كراجل مضارب او كراجل فاهم او مستأمن على هذا - 00:10:43

المال فالمفروض تديني الصالحيات بتاعتي باللغة المعاصرة ان انت تشتغل في اللي انت عايزه ما لم تضر المال او ما لم يعني يخالف الخطوط العريضة اللي احنا اتفقنا عليها في بداية الایه؟ في بداية المطبخ. فيبيقول لك ما ينفعش انت تسلوه التصرف كان يفرض عليها او ينشر غيره او يطالب او يطلب ما له بمال الایه؟ المضاربة يقول له ما ينفعش - 00:11:03

وتدخل فلان او لازم تدخل فلان طب ده فيه ضرر اصلا للمال. او انا شايف ان ده اداريا غلط من الآخر. اذا اختلفنا اداريا فالمرد الاداري لمين؟ الى المضارب لان هو المسئول عن ادارة المال ده بالشكل المتفق عليه. ما لم يخالف الخطوط العريضة اللي حطها له رب المال في الاول كشروط لعملية المضاربة - 00:11:23

وازا كانت مضاربة مقيدة. اما اذا كانت مضاربة مطلقة فهيرجع فيها الى العرف وانه ما يكونش بيختلف فيها الضوابط الشرعية. وفي

نفس الوقت ما يخالفش آآ ضوابط العرف بتاع السوق اللي هو بي العمل فيه لكل نشاط مختلف عن النشاط الآخر - 00:11:43

طيب النقطة اللي بعد كده بيقول يتولى المضارب بنفسه كل الاعمال. التي يتولها المستثمرون مثله بحسب العرف. يعني انا انا دورى

كمضارب ان انا ايه؟ ان انا مسلا ادير الاستسمار ده ازاي؟ ان انا باخد الفلوس مسلا اروح اشتري بها بضاعة من السوق وبعد كده -

00:11:59

ارجع ابيعها في المعرض بتاعي وبعد كده اتكسب منها ده عرف في عرف تاني بيقول ان انا بستورد البضاعة من الخارج لغاية ما

توصل لغاية المخازن وبعدين اخدها او زعها على العملاء ده عرف - 00:12:16

في نشاط تاني يقول لك لأن ده انا هاخد البضاعة. وبعدين اراقب عملية التصنيع. وبعد ما اراقب عملية التصنيع اراقب عملية البيع.

وبعد ما ابيع بيقى انا مسئول عن التحصيل - 00:12:29

هيبقى ده عرف بيقى على حسب كل نشاط من الانشطة لها عرف. بيقى يتولى المضارب بنفسه كل الاعمال التي يتولها المستثمرون

مثله بحسب العرف ولا يستحق اجرا على ذلك. ودي نقطه مهمة جدا وال نقط الخلافية في مسألة المضاربة ان هو الجمع ما بين

الاجرة وما بين الربح الناتج من النسبة اللي اتفقنا عليها - 00:12:39

ان المدرب المفروض له نسبة من الربح. فهل يجوز ان هو يأخذ نسبة آآ من الربح زائد جزء من الاجر او يأخذ مرتب سابت؟ اه دى

هتبقى نقطة مهمة جدا خليني اقف عليها - 00:12:59

احنا قلنا ابتداء مسألة المضاربة هي حته آآ اسمها آآ اسماها رأس المال اللي هو رأس مال مضاربة وراجل اسمه المضارب اللي

هو الراجل المدير الاستسمار تمام طيب - 00:13:13

الراجل اللي هو بتاع المضاربة ده اللي هو رب المال هي خسر ايه لو دخل في الشركة؟ يعني لو دخل في النشاط ده هي خسر ايه قال لك

هو يعني المخاطر اللي هيقق فيها انه يكسر - 00:13:31

جزء من رأس المال بتاعه او يكسر رأس المال بتاعه كله ممكن يهلك طيب الراجل المضارب ده يخسر ايه؟ يخسر مجهد بيقى

مخاطر رب المال هي ان هو يخسر رأس المال بتاعه - 00:13:43

ومخاطر المضارب انه يخسر مجهد طب تعال للسؤال الثاني هل يجوز ضمان رأس مال شركة المضاربة؟ يعني الراجل اللي هو رب

المال ده. ينفع ان انا اقول له كمضارب. انت رأس المال بتاعك عندي مضمون. خد بالك انت معى - 00:13:57

المكسب والخسارة في الظاهر بس. انما في الباطن انت ما انتش هتخسر رأس مالك. ما انا كده ضمنت له رأس المال بتاعه اللي هو

داخل يخاطر به. ما هو مش داخل يخاطر في الارباح يا جماعة. يعني ايه مش داخل - 00:14:13

الارباح يعني يقول له ايه انت هتكسب من عشرة في المية لخمسة في المية. هو متخيل انه لما نزل من خمسة في المية لعشرة

في المية فهو كده خسر او لما نزل من عشرة في المية لخمسة في المية فهو كده خسر. هو لغاية دلوقتي كده ما كبسش. هو كده

بيخسر ايه؟ هو كده اسمه انخفضت الارباح. انما هو لسه لم يصل لمرحلة الخسارة - 00:14:23

والمعنى كلمة الخسارة يعني ايه؟ الخسارة انه يخسر جزء من رأس المال بتاعه. اللي هو داخل اصلا يخاطر به وبالتالي لا يجوز

ضمان رأس مال المضاربة. تمام؟ ده بالاجماع اصلا لا يجوز ضمان رأس مال المضاربة. في اجماع - 00:14:40

طيب انت بنقول كل الكلام ده ليه؟ عشان اقول لك ان الراجل المضارب هو كمان ايه الخسارة اللي ممكن تلحق به؟ الخسارة اللي

ممكنت تلحق به انه مجهد طيب لو انا جيت قلت له كمضارب انت لك مرتب سابت في الشهر عشر تلاف جنيه - 00:14:54

تمام؟ بيقى كده الراجل ده وكأن هو ما عدش عنده مخاطر خلاص بقى ما هو ايه المخاطر اللي عنده؟ ما احنا لو جينا في نهاية السنة

الشركة دي خسرت خسرت يعني ما فيش اربعة عشان تتوزع على الطرفين. فالمفروض ان انا اقول له اخسر المجهد بتاعك يوم

القيمة. ما انا خدت اصلا المرتب بتاعي - 00:15:13

عشان كده بنقول لا يجوز الجمع ما بين الاجرة والمضاربة ليه؟ لأن هو منافي اصلا لمقتضى العقد اللي احنا اتفقنا عليه ابتداء هو

المخاطرة بالايه؟ وهو المخاطرة بالمجهد ولا يجوز ضمان رأس مال شركة المضاربة ولا يجوز ان الرجل ده يأخذ اجر سابت لان هو
كده ضمن المخاطر اللي ممكن - 00:15:29

تلحق عليه. طب واحد يقول لي طب انا مش عايز اعيش في مخاطر يا عم انا عايز اخد مرتب سابت. خلاص يبقى دي مش شركة
مضاربة. امال ده ايه؟ ده راجل اجير يعني موزف عند صاحب المال - 00:15:49

ساعتها بقى صاحب المال بقى يسلبه التصرف ويعمل اللي هو عايزه ويقول له اخلط ما تخلطش اشتغل ما تستغلش. بقى كده رب
المال هو اللي له اليه العليا في ادارة هذه الشركة - 00:15:59

الرجل اللي موجود ده موزف اجير بيفز جوب ديسكريبن او توصيف وزيفي مطلوب منه. وبعض السياسات اللي بتحطها له آآ
اصحاب الاموال. وبالتالي هو بيأخذ اجر في نهاية السنة طب ينفع يفسخ له العقد في النص؟ ينفع يقول له مشي. انت ما انت خلاص
خلصت المدة بتاعتك مشي. ده ما لوشن علاقة بالايه؟ ما لوشن علاقة بالشركة. بيقول لك ولا يستحق اجر - 00:16:09

عن ذلك لانها من واجباتي. امال انت بتشتغل ايه؟ خلاص؟ فاذا استأجر من يقوم له بذلك فاجرته من ماله الايه؟ من ماله الخاصل.
يعني انا مطلوب مني مسلا انا اتابع النشاط الفلاني ده. ودي من مهام شركة المضاربة بتاعتي. فانا مش فاضي. اجيب حد اوكله
مكانى ولكن ادي له الاجر بتاعه منين - 00:16:29

من جيبي الشخصي وليس من مال شركة الايه؟ المضاربة لان هو بيقوم بالمهام الوظيفية اللي انا مسئول عنها. ويجوز له يستأجر غيره
باجر المثل لاداء ما لم يجب عليه من الاعمال بحسب العرف على حساب المضاربة. يعني فيه اعمال بقى تانية هو مش مطلوب منه ان
هو يعملها. زي مسلا - 00:16:51

مش مطلوب منه مسلا ان هو يصنع بايده يبقى يجب مدير تصنيع يدي له اجر مش مطلوب منه انه يعمل الحسابات بايده. ده شغل
المحاسب فيجيب المحاسب ويدى له اجر - 00:17:15

تمام؟ مش مطلوب منه ان هو يكون مدير مسلا المشتريات ورح اشتري البضاعة ويرجع بالبضاعة. هو المطلوب منه ان هو يراقب بس
عملية المشتريات. وان هو يختار نوعية المشتريات. وان هو يختار نوعية الموردين. وان هو يحط بتاع - 00:17:26

المشتريات خلاص؟ وبالتالي لو هو هيجب واحد بيشتغل في حاجة غير الوظيفة المتفق عليها في عملية المضاربة سواء كان متفق
عليها في بنود العقد بتاع المضاربة او هنرجع فيها للعرف بتاع المضاربة. وبالتالي يجوز ان هو يأخذ من مال المضاربة هزه الاجرة.
يعني تعتبر من التكاليف يعني. وبعدين يديها للرجل اللي هو - 00:17:40

يقوم بهذه الايه؟ آآ الوظيفة. طيب ليس المضارب ان بيع باقل من ثمن المسل. ما ينفعش بيع باقل من ثمن المسك. البضاعة يعني.
وليس له ان يشتري باكثر من ثمن المسك - 00:18:04

الا لمصلحة ظاهرة يراها في الحالين. طب هو ليه بيضبط المسألة دي؟ هو عايز يقول لك ان لو باع باقل من ثمن المساء واشترى باكتر
من ثمن المسك وبالتالي هو اسر على الربح وبالتالي هو راجل مفرط فيضمن - 00:18:17

يضم ايه؟ يضم مقدار التفريط اللي احنا اتكلمنا عنه المرة اللي فاتت. وبالتالي عشان نقول ان الرجل ده لم يفرط في مسألة البيع
ولم يفرط في مسألة الشراء فنضبطها بثمن المسل في مسألة البيع وبثمن المسل في مسألة الايه؟ الشراب. طيب النقطة اللي بعد كده
بيقول لا يجوز للمضارب ان يقرض او يهب او - 00:18:32

تصدق من مال المضاربة ولا ان يتنازل عن الحقوق الا باذن خاص من رب المال يعني ما ينفعش يكون عندي واحد مدينني فلوس انا
بستسمراها. وبعدين اقوم واحد الجزء من الفلوس دي واسلف واحد آآ - 00:18:52

صاحبى مسلا او اسلف واحد قريبى. تمام؟ او حتى انا نفسي استلف من الايه؟ استلف من الفلوس دي. او ان انا ممكن او هب واحد
كمان فلوسي. هتبיע له بقى بفلوسي. تمام - 00:19:08

او ان انا اتصدق بالفلوسر ديت واحد. ما ينفعش ان انت تتصرف في الاموال دي. ليه؟ لانها منافية لفكرة الخطوط العريضة اللي اتفقنا
عليها لمسألة التربة ابتداء ونربى المال هو اللي له حرية التصرف فيه وضع السياسات بتاعة الشركة وطبعا ده مخالف للعرف لاي

الى هو صاحب المال للمضارب النفقة في السفر لصالح المضاربة بحسب العرف - 00:19:36

انا سافرت مسلا آالبلد الفلانية عشان انا احضر معرض عشان خاطر ان انا اجيip بضاعة عشان خاطر ان انا تساعدي في الشغل. انا سافرت برة الدولة اللي انا موجود فيها عشان - 00:19:53

ان انا اشوف اه اجهز هناك صفقات عشان خاطر ان انا هصدر للبلد دي. انا سافرت لدولة معينة عشان ان انا استورد منها مواد خام
عشان خاطر كل ده هيضبطها - 00:20:04

مسألة الايه؟ العرف. ومسألة العرف هتختلف من نشاط الى اخر ومن وقت الى اخر طيب رقم عشرة انتهاء المضاربة لو تفتقروا في البداية لما شرحنا المضاربة قلنا ان العقد عقد لازم. لازم اه عقد اه عقد اسف جائز. يعني ايه عقد جائز؟ جائز؟ يعني قلنا -

00:20:14

ريحة للطرفين ان هم يفسخوا بالتراضي. الا لو كان فيه شروط معينة ان انا اتفقت معه ان المضاربة تكون لاجل معين فما ينفعش ان هي تفصل غير بعد اجل معين. واللى مش عارف النقط دي لازم - 00:20:35

يرجع يراجعها في المحاضرة اللي فاتت تنتهي المضاربة في الحالات القديمة. واحد الفسخ بارادة احد طرفيها باعتبارها عقد غير لازم.
وبينظر فـ البند رقم اربعه ثلاثة اللي فصلنا فيه مسألة يعني - 00:20:45

وينظر في البند رقم اربعة ثلاثة اللي فصلنا فيه مسألة يعني - 00:20:45

عقد غير لازم وباتفاق الطرفين خالص اتفاق الطرفين يعني ايه ؟ احنا الاتنين متفقين ان احنا نفسك دلوقتي يعني نفترض ان احنا الاتنين كنا متفقين في البند اربعة ثلاثة ده ان الفسخ بعد ست شهور - 00:20:57

اہلیں نے سسیلیں سی ابتدی اڑیڈی سے ۲۰۰۰ میل امسع بند سکت شہر

موضوع الشغل ده لأن أنا شايف الدنيا ايه آآ في الفترة اللي جاية مش - 09:21:09

انهاء وفسخ. اه عقد المضاربة يبقى حتى لو كنا متفقين ان هو يأخذ ست شهور - 00:21:21

طيب بانتهاء اجلها اذا اتفق الطرفان على تأقيتها الا في الحالات التي تلزم فيه انتهاء اجلها يعني ايه انتهاء اجل المضاربة. احنا اتفقنا ان المضاربة مسلا لمرة سنة سنتين لمرة تلات شهور لمدة ست شهور. اتفقنا ان المضاربة تكون على الصفة - 00:21:35

تمام؟ اتفقنا ان المضاربة تكون على الصفقة اللي هنستوردها من برة ومجرد ما تيجي الصفقة دي ونخلصها خلاص انت تاخذ مكسبك
مناخد ايه؟ مكس. و خلاص. كده انفسه الابه؟ انفسخت ش كدة المضاربة. اه بتلاف وهلاك ما. المضاربة - 00:21:55

كان في فلوس جايبينها نستسمرها والفلوس دي او النشاط ده ولع لا قدر الله. طبعا دون تفريط مضارب. اتسرقت. تمام؟ دون تفريط
ندة. تفاصيل المضاربة خالص ندة. كده لتفصيل ماتنتهت الاربعاء انتهت شركة المضاربة - 11:22:00

بموت المضاربة بموت المضارب او تصفية المؤسسة المضاربة المضارب ان المدرب اللي هو اصلا قائمة عليه الشركة مات بعكس موت مدرب المدرب او مدرب مدرب المدرب

آرب المال الورسة بتوعه. انما المضارب ده هو اصلا اللي قائم عليه النشاط. فازا مات خلاص. تنفسخ الایه؟ المضاربة وما عدش فيه شركات اقتصاديه تهتم بالربح و فوز الشركات ذات الربح العالى

الكتاب المقدس في العصر الحديث: تأثيره على ثقافة العالم 40

التنضودة يعني ايه؟ يعني تصفيفتها او اعادة تقييمها على النحو المبين في البند تمنها تمانية اللي كنا انهينا به المرة اللي فاتت في

00:23:12 - ﴿كِتَابٍ﴾

ووقفة توزع ما بين الشركاء آيا أو ما بين المضارب ورب الماء، حسب النسبة المتفق عليها وقاً، لك ارجع للبند تمانية على تمانية للـ

اتشرحنا في مسألة التنديد الحكمي او التنديد الفعلي لمسألة آآ الشركات - 00:23:31

طبعاً المعيار ده كان بادئ في سنة الفين وتلاتة ولكن آآ تم تعديله كذا مرة لغاية ما وصل التعديل اللي في ايدينا ده اللي هو كان سنة الفين وخمسة تشر. بعد كده في ملحق - 00:23:45

معيار موجود فيه مشروعية المضاربة. خلاص وللأية وآخرون يضربون في الأرض. تمام؟ والمقصود يضربون في الأرض ان آآ هم آآ الذين يضربون فيها للتجارة ويكتسبون المال الحال للنفقة على أنفسهم وعيالهم - 00:23:59

آآ من السنة آآ العباس بن عبدالمطلب اللي آآ كان اذا دفع مال مضاربة اشترط على صاحب المال ده او على الرجل اللي هو المضارب خلاص الا يسلك به بحرا. اه ده استسمار مقيد اهو - 00:24:17

ولا ينزل به واديا ولا يشتري به ذات كبد رطبة. فان فعل فهو ضامن آآ فرفع شرطه الى النبي صلى الله عليه وسلم فاجازه. يبقى لو احنا نتكلم على الدليل فهو ده من السنة. وذكر آآ ابن المنذر الاجماع اجماع اهل العلم على جواز المضاربة في الجملة - 00:24:34

تمام واتكلمنا على حكمة وتشريع المضاربة ان طبعاً يحصل استثمار ما في واحد عنده اموال والثاني عنده فكرة او هو شاطر في الادارة فاجتمع المصلحة ما بينهم في في في هذا الامر فعملوا شركة آآ سمت شركة الایه؟ المضاربة - 00:24:54

بعد كده آآ تعرف يعني ايه عقد المضاربة بعد كده الضمانات في عقد المضاربة بعد كده رأس المال آآ هو كده بيتكلم على الاحكام الشرعية زي ما انتم فاكرين لو اتكلمنا في بداية المعيار اللي هو معيار آآ المضاربة معيار المراقبة لما قلنا فشرحنا فكرة المستند - 00:25:12

شرعى ان المعيار بيقول لكل نقطة جوة في المعيار في الاجراءات بتاعتته او في الاركان بتاعتته يجي ورا يقول لك المستند الشرعى بتاعتھا. تمام؟ فمسلا مستند عدم جواز الجمع بين الربح في المضاربة والاجرة - 00:25:31

هو ان الاجرة مبلغ مقطوع. وقد لا يحصل من الربح. اكتر منها فتنقطع المشاركة في الارباح. واحد يقول لي طيب انا النهاردة هاخد جزء تحت حسابك الارباح لغاية نهاية السنة وبعد كده ابدأ ازود ما فيش مشكلة. طب لو طلع عليك فلوس؟ خدها. طب لو طلع عليك فلوس؟ يبقى ده هيبي دين عليك - 00:25:45

هتسددوا السنة الایه؟ السنة اللي بعدها وراحة للسنة اللي بعدها او تسددوا حالا. يعني بموافقة رب الایه؟ بموافقة رب المال ينفع نغير نسبة المضاربة في النص؟ اه طبعاً قلنا ينفع نغير نسبة المضاربة بالنص حسب الاتفاق اه ما بينهم - 00:26:06

اه بعد كده اتكلم عن صلاحيات المضارب وتصرفاته تمام بعد كده انتهاء الایه؟ انتهاء المضاربة. بعد كده جه في تعريفات يعني ايه الشركة خلاص وكده يبقى احنا خلصنا معيار آآ المضاربة. ان شاء الله المرة اللي جاية هنشرح آآ طبعاً معيار المضاربة معيار صغير. لان هو - 00:26:22

هيجي بعد كده معيار تاني اسمه معيار الشركات الحديسة تمام ومعيار الشركات الحديسة من المعايير اللي احنا هنستخدمها في الواقع العملي اكتر يشرح بقى فيها الشركات المساهمة. شركات آآ التوصية بالاسهم وشركات ذات المسئولية المحدودة - 00:26:43

شركات التضامن يعني ايه شركة اشخاص يعني ايه شركة عنان؟ يعني ايه شركة مضاربة؟ هيكلم عن الشركات بوجه عام. ان شاء الله ناخذ المرة الجاية اه معيار الشركات الحديسة بحيس ان احنا نبقى دمجنا ما بين المضاربة والشركات الحديسة. وبعدها ان شاء الله ننتقل الى آآ معيار جديد. آآ جزاكم الله خيرا - 00:26:58

واحسن الله اليكم والسلام عليكم ورحمة الله وبركاته - 00:27:18